

Broj: 01/1- _____/17
Kakanj, __. __. 2017. godine

Na osnovu člana 13. Zakona o principima lokalne samouprave u Federaciji BiH ("Službene novine FBiH", broj: 49/06 i 51/09), člana 49. Zakona o komunalnim djelatnostima ZDK („Službene novine Zeničko - dobojskog kantona“, broj: 17/08), te člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na ___ sjednici održanoj __. __. 2017. godine, donijelo je

ODLUKU o izmjenama i dopunama Odluke o komunalnom redu

Član 1.

U Odluci o komunalnom redu („Službene novine Općine Kakanj“, broj: 9/13 i 5/15), u članu 105. na kraju stava 3. posljednja rečenica mijenja se i glasi: „Krupni otpad predstavljaju i otpaci građevinskog materijala i šuta, te otpad iz individualnih ložišta i kotlovnica u kojima se koristi ugaj kao energent.“

Član 2.

Član 114. mijenja se i glasi: „Zabranjeno je odlaganje krupnog otpada na mjesta koja nisu za to određena, te u kontejnere i posude za kućno smeće i drugi komunalni otpad.“

Član 3.

Član 115. mijenja se i glasi: „Javno komunalno preduzeće je dužno, na zahtjev i o trošku pravnog ili fizičkog lica, organizirati odvoz slijedećeg krupnog otpada: kućanski aparati, pokućstvo, sanitarni uređaji, kartonska ambalaža u većim količinama i većih dimenzija, olupina vozila i njihovih dijelova, podrumski, dvorišni i tavanski otpad, kao i drugi krupni otpaci koji nastaju u procesu industrijske, zanatske, građevinske, poljoprivredne ili druge proizvodnje i drugi sličan otpad.

Zabranjeno je otpad građevinskog materijala i šut, te otpad iz individualnih ložišta i kotlovnica u kojima se koristi ugaj kao energent, odlagati na javne površine, u posude za kućno i sitno smeće, korpice za smeće, nadzemne, podzemne i polupodzemne kontejnere postavljene na javnim površinama ili pored istih, kao i na druga mjesta koja nisu predviđena za tu namjenu.

Pravna i fizička lica, kao investitori ili izvođači radova i vlasnici krupnog otpada – otpaci građevinskog materijala i šuta, dužni su prilikom izvođenja građevinskih radova i stvaranja navedene vrste otpada, posjedovati poseban kontejner ili posudu za odlaganje ovoga otpada, te zaključiti ugovor sa Javnim komunalnim preduzećem o njegovom odvozu.

Pravna i fizička lica, kao vlasnici građevinskih objekata u I i II zoni gradskog građevinskog zemljišta koji posjeduju individualna ložišta i kotlovnice u kojima se koristi ugaj kao energent, moraju imati poseban kontejner ili posudu za odlaganje otpada iz ložišta i kotlovnice, te zaključiti ugovor sa Javnim komunalnim preduzećem o njegovom odvozu.

Ukoliko Javno komunalno preduzeće ocijeni da je moguće i opravdano, više pravnih i fizičkih lica iz stava 4. ovoga člana mogu posjedovati zajednički kontejner ili posudu za odlaganje otpada iz individualnih ložišta i kotlovnica u kojima se koristi ugaj kao energent.

Primjerke ugovora iz stava 3. i 4. ovoga člana Javno komunalno preduzeće je dužno odmah po zaključenju dostaviti općinskoj komunalnoj inspekciji.

Komunalni inspektor može rješenjem naložiti pravnom ili fizičkom licu zaključenje ugovora iz stava 3. i 4. ovoga člana. U tom slučaju pravno ili fizičko lice je dužno u roku od tri dana od dana izdavanja rješenja zaključiti predmetni ugovor sa Javnim komunalnim preduzećem, te jedan primjerak toga ugovora dostaviti općinskoj komunalnoj inspekciji.“

Član 4.

Član 142. stav 1. mijenja se i glasi:

„Novčanom kaznom u iznosu od 40,00 KM do 100,00 KM kaznit će se fizičko lice (obrtnik, trgovac, ugostitelj), i fizičko lice (građanin), a pravno lice, novčanom kaznom u iznosu od 500,00 KM do 1000,00 KM za prekršaj ako:“

Član 5.

Član 144. stav 1). mijenja se i glasi:

„Novčanom kaznom u iznosu od 200,00 KM do 500,00 KM kaznit će se fizičko lice (obrtnik, trgovac, ugostitelj), i fizičko lice (građanin), a pravno lice, novčanom kaznom u iznosu od 500,00 KM do 1000,00 KM za prekršaj ako:“

Član 6.

U članu 144. stav 1). tačka (q). riječi „st.1.,3.“ se brišu.

Član 7.

Ova odluka stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić, sr.

O b r a z l o ž e n j e

PRAVNI OSNOV

Pravni osnov sadržan je u slijedećim propisima:

- Član 24. stav 1. tačka 2. Statuta Općine Kakanj („Službene novine Općine Kakanj“, broj: 4/08);
- Član 13. Zakona o principima lokalne samouprave u FBiH (“Službene novine FBiH”, broj: 49/06 i 51/09);
- Član 49. Zakona o komunalnim djelatnostima ZDK („Službene novine Zeničko - dobojskog kantona“, broj: 17/08).

RAZLOZI ZA DONOŠENJE ODLUKE

Općinska inspekcija u obavljanju poslova iz svoje nadležnosti, a koji se odnose na nadzor i kontrolu poštivanja odredbi Odluke o komunalnom redu, susreće se sa brojnim problemima vezanim za odlaganje krupnog komunalnog otpada.

Obzirom da važeće odredbe Odluke o komunalnom redu koje se odnose na krupni komunalni otpad (čl. 114. i 115.) na najbolji način ne regulišu ovu problematiku, pojavljuju se situacije da se krupni otpad odlaže po javnim površinama, na obalama rijeka, u rijeke i potoke, u šume, pored kontejnera i sl. Takođe, otpad iz individualnih ložišta i kotlovnica u kojima se koristi ugalj kao energent odlaže se pored kontejnera ili u podzemne kontejnere, pri čemu dolazi do zapaljenja ostalog komunalnog otpada ili otežanog pražnjenja kontejnera.

Iz navedenih razloga smatramo da je potrebno izmijeniti i dopuniti Odluku o komunalnom redu te propisati bolja i kvalitetnija rješenja za uređivanje oblasti odlaganja krupnog komunalnog otpada na području općine Kakanj. Predloženim rješenjima dolazi do povećanja stepena komunalne higijene na području naše općine.

Imajući u vidu navedeno, predlažemo Općinskom vijeću usvajanje ove Odluke uz eventualne primjedbe i sugestije.

O B R A Ā I V A Ā :

Stručna služba za poslove
Općinskog načelnika

P R E D L A G A Ā :
Općinski načelnik

Nermin Mandra